



寧靜閣一集詩二

2

和16
1413
24

屬附學大田稻早
館書圖
寄第 一
漢詩文
第 30 號
第 卷
出帶許不外館書此



和16
1413
子中



題辭

古來文人多相忌。不然相譽互諂媚。吾題巖溪
 詩。不敢貢諛况敢刺。嘗論吾邦勝支那。不獨
 皇統萬年無替隊。富岳白雪挂蒼穹。天橋松島
 更奇異。芳野之櫻月瀨梅。十里如雲別天地。加
 之湖水有琵琶。瀑布有那智。求諸西土名勝中。
 偶雖有一恐無二。萬物元氣發為文。當有才人
 礪礪落落拔其萃。然而經國之大業。不朽之盛

事。作者寥寥如晨星。若遇西人三舍避。百餘年
未豪傑徒。扼腕仰棟。殫神思。欲逐李杜。參翱翔。
汗流支僵。難得遂。千古遺憾莫甚焉。嗚乎。吾知
病所自。田舍之人。寘見聞。腹之書卷。欠鍊綴。都
會之人。半售文。唯願少勞而多利。是故二十八
言四十言。此外難復加一字。獨感磬溪之撰異
時人。其才橫逸。力異負。長篇巨什。咄嗟成。衆人
所難。君獨易。托興已雄快。取材更具備。無情不

發揮。無景不寫出。寸心秉摛縱。萬象就呼試。雅
俗細大悉兼綜。殆為化工泄深秘。或道豪放有
餘。雖亞韓。深婉不足亦相類。余曰。否不然。物宜
有序次。試看近人詩。柔媚精神萎。譬如宴安花
柳人。只須大聲一喝覺其睡。金以克木。火克金。
諍至無諍是本意。况君強壯未艾者。他日所臻
出此位。齧跄奔逸千里駒。變為稱德之良驥。劈
雲坼石大礮聲。化為鸞歌與鳳吹。終與 東方

風土精華恰相稱。足使西人皆感媿。

弘化丙午秋八月 旭在廣瀨謙拜題

詩之巧。李手中。筆力出雄。李
子學。然能兼之者。絕少矣。士廣
此。恭。體。具。古今。格。詠。常。變。直。白
抒。寫。胸。臆。不。罷。前。人。一。語。而。巧
麗。雄。渾。處。有。新。意。可。非。學。殖。充
乎。中。而。運。之。以。天。才。之。俾。為。能

詩

詩句之巧。李手中。筆力出雄。李
子學。然能兼之者。絕少矣。士廣
此。恭。體。具。古今。格。詠。常。變。直。白
抒。寫。胸。臆。不。罷。前。人。一。語。而。巧
麗。雄。渾。處。有。新。意。可。非。學。殖。充
乎。中。而。運。之。以。天。才。之。俾。為。能

至此而猶不自滿。就諸同志。相
 商。擢若不造乎極。不止者。則異
 日所詣。峨嵋天半。碧海鯨魚。與
 古人並馳。余非士。廣出望。而誰
 望哉。弘化丙午中元前一日。具
 齋安。積信識。蔣塘大竹培造。圖

讚岐阿比良。巧於畫章。或問其術。答曰。如
 鑄火。宜先鑄鐘。其鑄圓章。宜先鑄
 鑑。火者已成。小者自精。既澄腹。可乃矣。
 筆數。其書。今以如椽之筆。以事於頽。
 之。宜其以橫如。其。猗。猗。猗。猗。猗。猗。
 也。弘化丁未冬秋。遂寫用九。猗。猗。猗。猗。猗。猗。

石舟山更造書

詩以為難乎。白面書生。或能者有之。以為易乎。老師宿儒。且不能者有之。是知非兼才與學者。則不能至其妙也。士廣青幸以奇才稱。今已見二毛。而矻矻勉勵不已。其詩之精巧。固不足異也。松園鹽田奉誌。鼎齋生方寬書。鹽田題。

鹽田題

寧靜居歲

磐溪詩鈔卷三

仙臺大槻清崇士廣

鷄肋存稿

自庚子至癸卯

風不鳴條

以下庚子稿

青帝吹鄒律。和風入鳳城。松梢傳習習。蘋末舞輕輕。能鼓陰陽氣。潛扶卉木榮。花飄梅有態。絲亂柳無聲。宛轉禽相語。攸揚蝶不驚。誰憐澗邊草。弄綠沐清明。

恭祝世子行掇甲禮二首

長戶士讓曰巧緻
精妙作者苦心可
想也
閑克精曰完作
士讓曰好結末

磐溪詩鈔卷三

寧靜居歲

式三千儀外見餘威

整鎧森嚴裝得宜依然乃祖舊威儀苦心百戰成功後
留作太平文具來

觀藩士遠藤時習勇五郎試射技引

周武誅殷王貫革射乃凶威武赫赫我東方亂定良
引未曾藏大城之東有高堂三十三間廊廡長便是武
人演射場春講秋肄互頡頏杉立信吉生尾陽久以斯

克精曰起手得躄

梁公圖曰勇五之技箭破的士廣之詩句押韻而筆力之健殆壓倒勇五矣非此筆不足賦斯技

菊池子頭曰我藩士太田信吉年甫十四嘗試射技于斯堂百發百中是僕所目擊今讀此詩益覺其實境

技冠扶桑誰歟今日右臂攘東奧男子勇五郎勇也三
十膂力剛氣宇堂堂百夫防維時孟夏月幾望窮日之
力試其強一發鳴箭響畫梁疾於鷲鳥天際翔餘勢直
貫的中央大聲呼噪人如狂百發千發手愈忙前扇未
收後扇揚直欲與羿蒙相當彷彿貫蟲與穿揚六千五
百弦尚張中者已以四千量射乎有爭固其常壓他信
吉亦何妨山鐘一聲報昏黃從容事畢萬人慶報之甲
邸馬騰驤一鞭直到芝水傍君顏有喜下褒章恩榮足

增國家光，嗟乎建業已經二百霜，恨不逞技耀八荒，且紀盛事傳其芳，竒觀留作太平祥。

五月十七日始得一男兒詩以志喜

吾翁四十五生我，享和元今年兒四十，先人獲一孫，碩大且隆鼻，竒慶遺貌存，嗟我困莽學，豈云窮本源，何料蒙拔擢，叨忝祿食恩，未遑圖報効，俛仰慚素飧，汝貌已類祖，定知非犬豚，或能繩祖武，隆然大我門，孫也苟如此，稍足慰九原，殷勤說向汝，唯有呱呱喧，且擬憑紙筆。

廣瀨吉甫曰樂易似香山

書此貽後昆，明窓掃几坐，喜鶻噪前軒。

送茂貫橘洲還仙臺二首 錄一

森森綠樹繞城隈，夢裏家山今日回，阿母歡迎細君拜，候門稚子喚爺來。

六月十五日作 時祿後在芝邨學館

鼓聲人語沸雲霄，士女奔波趁早朝，誰識芝橋以南路，巷無飲酒畫蕭條。

學館即事

士讓曰揀點經語無限凡神全首生精采

士讓曰尋常所有之景前人未道及

城樹鳴鳩報晚晴，三竿斜日入窓明。餘光倒映前溝水，驚見金龍上屋楹。

會津丹羽大夫攬勝亭十景應索賦寄錄五

三峯縹緲杳難攀，百仞丹梯天際盤。莫是群仙游戲會，

瑤笙聲在彩雲端。磐梯山春雷

襟帶湖山鎮奧州，白河北去路悠悠。一輪炙背嶺頭月，

照盡廢興今古秋。炙背嶺秋月

東阡南陌暖風吹，野菜花黃宿麥滋。細雨霏微柳原曉，

村村已到耦耕時。柳原村連畦

一路春風吹客裳，營營何事去來忙。千絲萬縷柳橋柳，

繫得離情如許長。柳橋行客

葦枯蒲死跡荒涼，莢盡長杉又幾霜。今日金湯歸然在，

萬家烟火接雲長。城市浮煙

贈島田生

久將篆刺混文流，風月場中儘自由。負廓何嘆無二頃，
筆耕長占石田秋。

大島景實曰有竹枝之調

又曰此首蓋謂葦名蒲生上杉及保科氏之真廢也

贈王生土佐人

奇炫爭雕五彩雲，世間鐵筆漫紛紛。能尋古篆溯秦漢，獨有海南王子文。

海晏寺觀楓

落木城南趁晚晴，寒山曲曲踏紅行。殘陽倒照高楓上，一半糝糊一半明。

酬坪井冬樹見和

翻雲世態易陰晴，襜襖何須觸熱行。且託微疴養踈懶，

景實曰此詩可以

想見士廣之風概矣

一瓶黃菊夢淵明

賀唐澤養真翁六十初度

襁褓誰兒不被仁，壽觴爭侑嶽降辰。陪筵自笑稱初老，曾是先生七下人。

楠公正行絕命詞拓本歌

詞曰返自止兼天思邊波梓弓無數仁入名遠

曾駐武留

南木一顛皇運衰，南狩之駕挽不回。賴有由蘖護神器，南山撐天半壁開。義旗漸散國步艱，世忠獨據金剛山。

被崎小竹曰叙事緊嚴筆力不弛

景實曰卅一字
字感泣然其傳之
却賴警叟之筆
克精曰讀此而不
隨淚者其人必不
忠孝

何物妖賊敢來寇，不斬汝頭不生還。揮涕闌下來拜辭，
天顏咫尺揭御帷，慷慨更誓先帝廟。箭鏃刺門絕命
詞，北望賊軍紛如雨。旌旗慘澹鼓聲怒，勝敗有命死吾
分。丈夫可受鼠輩侮，三千精騎疾電馳。鏖戰一場揚我
武，恨不長驅戮鯨鯢。斬之萬段餒狗鼠，箭竭馬斃臣事
終。一死報君乃報父，君不見諸葛一表累百言。長使英
雄義氣振，何如公詞卅一字。字字感孝子，而泣忠臣。

秋蝶

石坂法眼
席上分韻

只合收翎返舊窠，殘生零落事堪嗟。紅阡翠陌茫無跡，
繡戶畫簾空有家。夢冷西風秋九月，魂迷曉露徑三叉。
可憐抵死餘狂在，來繞東籬落後花。

馱歲菊

以下辛
丑稿

穿將綠服戴黃冠，早上東風第一壇。表德誰分九疇目，
馱春好伴五辛盤。金英未入陶家賞，落蕊難供屈子餐。
且與梅花結幽約，盆中相對護清寒。

城東早春

又曰佳聯

後藤世張曰引典甚佳

正月城東路扶藜行且停遙峯猶戴白遍野未抽青亂水縱橫漲踈梅斷續馨晚風吹細雨千古憶岐亭

哭阿順

曼日大雪

哀樂中年不自持得見狂喜失兒悲生憎大雪來相阮檐角早梅將綻時

掌中珠碎沒還期此老情懷欲訴誰腸斷阿娘纔五歲游嬉猶自喚嬌兒

諸葛春耕圖三首

克精曰三絕共佳亦是對足

笑傲羲皇上依在耦畊使公終不出亦是一淵明伊尹耕莘野太公釣渭濱先生千載下鼎足作三人難辭三願意一躍竟相從他日回天業誰雲誰是龍

楠公讀識文圖

夢卜求良弼識文激義臣誰信中興業君臣智慮神諸葛偏安計纔能支漢室何如南木公赤手回天日艷妻美簧舌妖賊逞姦謀千古忠臣恨湊川咽不流

芳野懷古

景實曰三首一貫連珠所以異前作

行宮埋沒亂雲層，唯有櫻花管廢興。恨殺南風終不競，夕陽下馬弔荒陵。結放翁成句

平泉懷古二首

一宮楊柳是平泉，掌握二州兵馬權。上國戰塵飛不到，春風占得九十年。

小竹曰二首唐調之上品

三世豪華擬帝京，朱樓碧殿接雲長。只今唯有東山月，來照當年金色堂。

德九原觀演銃歌送島舜臣歸崎陽

克精曰如親

士讓曰讀到此篇紙上有萬雷之響卷中長篇此為歷

景實曰神威狂飈諸蛋固嘗聞之矣不知今日絕技亦豈聞之否

車。輾。人。蟲。隗。尖。帽。短。袖。潤。步。來。鳥。銃。森。嚴。各。在。手。魚。麗。陣。成。兩。隊。開。誰。指。揮。者。高。島。子。一。麾。傳。令。呼。幾。回。忽。驚。大。煩。一。聲。發。百。銃。承。之。疾。奔。雷。後。隊。纜。了。前。隊。起。換。藥。點。火。何。快。哉。當。其。亂。射。如。雨。注。殺。氣。排。天。山。欲。頽。羣。龍。挾。火。戰。中。野。萬。道。光。迸。亂。雲。堆。聞。說。大。酋。勃。那。把。兒。佛蘭王姓事詳于後詩十二首席卷歐邏賴此技神機所拍如振搞勁弓長戟不足恃縱使蕃船伺本朝此器一發忽漂搖掃蕩百萬在呼吸不待神威後狂飈方今四海清無

事可一日無不虞備廟堂原自有深謀班君銳隊豈無
意此後秋旣進班共力格西望瓊浦渺天涯且唱長歌送君歸却
憶蘭船八港口連聲互放佛郎機

佛蘭王詞十二首

王名那波烈翁姓勃那把兒的地中海中格爾
西加島人豪邁有大志起自佛蘭西將校積功
陞上政官遂踐帝位殆并吞歐邏巴全洲後大
舉入俄羅斯會天寒士卒凍死敗歟而還自此

士讓曰十二首事
實精核議論沈鬱
讀之覺風雷繚繞
於筆底洵為曠古
絕調
山舒公曰山陽以
長歌先生以小律
山陽就一事演之
先生詳終身事蹟
異曲同工皆可傳
不朽

兵漸不振同盟諸國迫避大位放之噫兒拔島
無幾再舉兵復舊都進渡沙蒲列河李英蘭三
國兵邀擊大破之王僅以身逃將航海到米利
幹為英國哨船所獲遂流於意勒納島以我文
政三年五月卒於島中年五十二後二十年以
皇帝禮歸葬於佛蘭西
妙齡機慧已超倫海島何圖產若人早作後來榮達地
自稱臣是板圖民

舒公曰十二首中
一盛一衰忽而得
意忽而困踣抽乘
出沒變化何等筆
力

又曰快心之事快
心之詩十二首中
余最愛此首及烏
江戰死詩
又曰二十八字中
極抑揚頓挫之妙

滿胸韜畧不堪奇，落魄東西欲託誰。最是英雄可憐處，
賺他孀婦備軍資。
休將狐媚目曹瞞，百戰由來創業難。今日誰能容異議，
法皇新賜寶金冠。
半生威武遍西洋，青史長留赫日光。一自功名歸大帝，
無人艷說歷山王。
何物俄羅敢頡頑，轟天巨礮裂金湯。誰圖大雪埋歸路，
凍殺三千拔勇槍。

又曰雄健奇警言不
讓杜樊川
士讓曰借項羽來
議論生風舒公評
信然

舒公曰罵得袁凱
英雄末路使人不
堪慨歎

豈無奇策奏奇功，避位且逃孤島中。若以深沈忍羞辱，
烏江戰死未英雄。
大會王公盟未寒，忽聞鼙鼓逼城端。新王出走舊都復，
不費柘榴彈一丸。
煙焰漲天西日移，兩軍觸戰互驅馳。和蘭世子勇無以，
奪得拂雲三尺旗。
欲驅勁敵恣狼貪，輕進終招囚虜慙。積水茫茫何限恨，
全家遙落大瀛南。

舒公曰吏民哀慕
之情寫得溢紙上

無乃放流非至公遺民猶自慕威風難將蓋世英雄骨
埋得彈丸孤島中
蹴破雲濤萬里天載將靈柩送樓船可無大葬銷幽恨
蠻雨蠻風二十年
烏銃森嚴列隊行金輿擊出散靈光老翁泣向兒孫說
復見官家舊戰裝

別後寄島舜臣

一別音塵難可聞雁聲遙隔海西雲只憑明月無私照

每對清光轉憶君

近日余貧甚友人東冲齋為出金二百星盡償負
債而不問返完之期義氣曠懷今世安得此人哉
銘心之餘自述五絕句以申謝悃時中元前二日
也

感泣滂沱欲濕巾救窮恩不減君親雖刀爭利滔滔是
曠達如公有幾人

滿街燈火近蘭盆奔走依稀歲事紛討鬼今宵容易散

不須更造送窮文

半生歲路太崢嶸今日緣君特地平一片猶餘豪氣在

山河萬里可橫行

也無剝啄到柴闕一枕清風午夢閑自笑先生窮未了

留將文債重於山

炎威漸退葛衣清秋動庭梧葉上聲只合深宵貪誦讀

十年燈火報君情

至日苟美堂集賦呈平泉翁

以下十二首係仙臺客中之作

克精曰天倫樂事不堪欣羨

景實曰聞文札棋手極高士廣因以訊之可謂納約自牖矣

一室團樂情話真主翁溫藉最堪親學源河洛發精蘊

道翼程朱歸大醇紅日纔融僊府雪寒梅已動泮宮春

舉觴恰好逢南至兄弟何曾少一人

同前賦似文禮二首

不為鑿伯即儒宗磐水平泉各自雄崇也文章真陋劣

待君經術起家風

且把詩書讀百回到頭不可恃天才奕秋手段高千古

亦自專心致志來

論學詩五首呈某君下執事

士讓曰五首皆格
言非有所得如何
得得士廣之學術
不鬆處於此乃見

新擢名儒興學宮，文翁治蜀將無同。只期君相繼垂統，
一變終成齊魯風。

由來吾道在敦倫，一片溫良自可親。却厭青衿負經學，
滿腔客氣欲凌人。

經術文章寧異塗，兼成大業即通儒。專門徒誦師傳說，
說向大人能解無。

又曰一道為書生
吐氣得此正大之

籩豆未應勝有司，書生一任俗人嗤。春風堂上說經日，

作差強人意

感格君心屬阿誰。

張也堂堂未必仁，丈夫所貴是天真。論才祇合察心術，
擊毘曲拳多誤人。

戲題布袋和尚圖為平賀崇城

釋尊孔聖有時窮，天下誰人不慕公。但使全家開口笑，
果然百福滿囊中。

贈梓人志賀叟叟兼善
種樹

茂松脩竹繞池臺，斧鋸聲聲出屋來。好倩柳州作佳傳，

景實白想到柳州
妙

梓人兼得郭駝才

贈銃師島津大定

萬丸齊發疾於雷，鐵作海城容易摧。不待西肥高島子，一聲洋砲動天來。

柴田氏招飲賦呈主人時余將西歸

寒燭結花宵欲分，離情歸思兩紛紛。明朝匹馬舟岡路，能不回頭一憶君。舟岡係柴田氏邑

酬關克精研見贈疊韻三首錄二以

下壬寅稿

克精曰淡饒致

士讓曰疊韻前後
數首篇、新奇變
化無窮何等才力

客身日日駕鞍橋，行盡關河千里遙。未放羈愁歸後散，且欣新話別來饒。高峯冰雪堆寒玉，大道風松卷怒潮。傾倒吟囊供一笑，煩君點閱到深宵。

楊溝移宅向藍橋，回首雲邊城樹遙。晉帖唐碑連架富，妻賢子順一家饒。轉洋攝酒稱觀岳，飛舸湘魚是望潮。最羨微醺憑檻處，金波漾蕩月臨宵。

春初雜題依克精疊韻二首

榮戟森森下大橋，柳營朝散鼓聲遙。秋毫夏日街衢肅，

又曰秋毫不知何
典故 崇曰唐張

平叔為戶侍計
能折秋毫吏畏
如夏日
克精曰後聯雄偉
可誦

五雨十風田野饒，一嶽晴開天際雪。千帆曉趁海門潮，
吾人何幸遇清世。醉月吟花宵又宵，
三十閒溝第二橋。團茅結屋且逍遙，高陽自古多踈放。
逢掖何人是富饒，官路炎涼醒醉酒。世閒禍福去來潮，
春風隨處歡娛足。不待千金一刻宵，

題菊畦道人磨光編代懽堂先生

巖瀨郡鏡沼村，野花粧點十里原。云是烈婦某遺蹟，古
池水涸鏡光昏。荒邱空留一片石，平太佛名口碑存。憶

克精曰起得清絕

又曰悲涼滿目嗚咽滿耳不堪再讀

昔陪臣執國命，三世征伐出私門。和田積憤忽舉事，一
跌何曾顧子孫。夫婿遥遥謫東奧，婦也慕之千里奔。若
何所天早見戕，躑躅踟躕地哭聲。吞抱持寶鏡來投水，一
泓澄碧奠孤鴛。可憐貞節沒荒裔，千載無人薦蘋蘩。菊
畦道人慷慨士，磨洗古鏡雪其冤。一卷圖說詳巔末，異
聞爭傳萬口喧。吁嗟乎，道人有陽報，且勿疑吾言埋人
白骨，功德大。何況喚回烈婦千古已銷之魂。

讀秦紀二首

燕丹七首不中身韓相鐵椎空碎輪天使英雄開局面
縣縣郡縣二千春

熱滅六經纜一空楚兵已動大江東誰圖半點留餘火
蕩盡咸陽三月紅

詠史二首

京利狂炎殞此身半生鴻業委灰塵九泉應悔貪奇利
誤賞當年餌母人

空與梟雄爭一隅越公強戰計何疎大聲如問父安在

子頭曰元人詩云
淒涼六籍寒灰裡
宿得咸陽火一星
與此詩同案

安積思順曰余嘗
作織田公論以此
為主意士廣則括
盡於二十八字中
讀之爽然自失
景實曰二首皆閑
倫理的是史筆

慚服不唯頭痛書

送侄棟歸仙臺

金華橫翠黛松島列青螺汝今此閒去優游養沈疴欲
假江山助餘力恣吟哦所以吾送汝說詩不及他仙臺

亦詩國勁敵四面多就中推二井謂油井松井二家也登壇建高

牙苟不量力進一戰能無蹉敵之自有道古人與研磨

以論杜與韓蘇陸亦罔羅運來供驅使何敵不倒戈行

矣東輿路秋風滿山河今夜孤驛夢早已落煙波

中野精一曰余游
仙臺而後知此二
句之妙

克精曰至論

又曰結得有味

送中野精一扶侄棟疾之仙臺遂游松島

壬寅秋七月、西風大火流、我侄病歸國、吾友適東游、幸
 因君扶護、相送到奧陬、我坐受其賜、賢勞何以酬、且表
 祖餞意、畧叙路所由、大城東去、千樹驛、一路蕭條、風露
 秋栗、橋斗轉、東寧水一棹、清風送客舟、隔岸松林是北
 總、古河城外、雨乍收、毛野北走、日光廟、參天松杉夾道
 周、鬱宮以北、地漸險、一水纜渡、又一邱、那湏之原、真廣
 漠、平楚無際、望悠悠、二十三坂、行將盡、亂山陂陀、入奧

吉甫曰詳悉可於
 一篇輿地圖
 又曰余足跡至鬱
 宮而止今讀大作
 神游其以址
 景實白韻語東道
 名勝志

州、白河關上、秋風起、落日蟬聲、使人愁、關外一道、逢隈
 水、直到本宮、漲綠油、雙松之嶽、何磅礴、遠麓三日、行則
 休、仙道七郡、皆沃野、福島最見、人烟稠、越河齊川、我封
 境、控引西南、扼咽喉、山勢逶迤、連白石、儼然高壘、與深
 溝、金瀨巖、沼漸平曠、秧田黃綠、明雙眸、雲邊忽喜、仙臺
 近、粉墻依約、五城樓、叙了重惆悵、侄也獨自留、炎天千
 里路、病軀無恙、不待君歸來、日欲慰、乃叔憂、一片痴心
 且莫笑、我於吾友、更有求、縱是金華、松島多名勝、秋風

早賦木刀頭

棟將發病風而沒不堪悵然詩以哭之

金華松島夢空牽，病骨逢秋忽悴然。不向仙臺求藥去，却尋永宅到黃泉。

克精曰讀之亦悽然

元旦

以下癸知稿

東風送暖入江城，兒女游嬉又歲正。纖手輕颺綵毬影，急絃巧奏紙鳶聲。人逢四十三年曆，鄉隔一千餘里程。且洗研池新試筆，瞳矐紅旭照窓明。

盤溪歸釣圖為木仲蘭題二首

雨後春山掃翠蛾，釣舟成在舊溪阿。忽穿曲岸崩邊去，且避奇巖亂處過。煙柳垂絲遮短笠，風花吹雪點輕蓑。漁人無復爭隈意，報道前灘魚最多。且將身世託孤蓬，某水某邱留舊蹤。紅蕙帶霜秋瑟瑟，寒流激石夜淙淙。晚炊乞與隣船火，曉夢驚回遠寺鐘。不用前村賒酒去，一瓢長挂岸邊松。

和清原某卿述懷之作

鄉人若林某囑

又曰後聯情致有餘
畫實曰一幅柳灣
漁樂圖恨不使館
樞卿一觀此詩

吉甫曰有道者語
世張曰悟後之語

邈矣青雲路安哉陋巷居但教樽有酒不歎食無魚
古松陰密窓明梅影踈窮通何必問只合讀吾書

土佐安光某介上岡生見贈長歌一篇因次其韻

謝答

維昔神武起西溟一舉蹴破大蜻蜒東方始建男

子國窮髮之址避威名竭來一千九百歲環海何賊窺

我情胡元敢動穿窬志樓船十萬金鼓鳴神州肯容

腥羶氣天風一掃武乃成而後羣蠻膽皆落萬世之下

吉甫曰起得堂
克精曰一氣通暢
殊有神骨是為士
廣得手
景實曰通首流暢
不類次韻然譚原
作益見押韻之妙

士讓曰短古二首
才鋒露人人所
喜而余不敢雷同
以其流於滑稽而
傷乎曲雅也
克精曰二首雖似

誰爭衡獨有文章讓一步勁敵難當李杜兵繼之韓柳
歐蘇輩各建一幟擁長城安得此間生文傑摩其壘壁
一朝平嗚呼噫嘻南海由來文明域吾不能無望於諸
老先生

打鬼豆行

福兮內鬼兮外撒炒豆兮喝聲大太鬼小鬼避舍奔如
崩厥角太狼狽想見矢石雨注擊胡元能生還者僅三
人

游戲然能厲五風
非才思流暢安能
及此

崇日二首自有
寓意在恨二子
評不及之

景實曰暮、短篇
寫盡新令以後之
世態未却借某氏
牡丹花形出湊合
極巧

七種菜歌

七種菜七種菜及西鳥未涉東海搗之丁丁和作粥粥
一歡兮百邪退嗚乎西鳥不來四海清喜得今朝日是
人

寄題土佐櫃屋氏牡丹花

萬年青金粟蘭一盆千金競上天朝榮夕辱今如許墮
落人間不抵錢誰知君家花王長富貴春風一百五十
年

正月廿三日同唐德夫古莊觀梅花已開七八分

遂游新莊則未到五分花候早晚有如此者乃賦

八絕句以紀其事 錄五

花期曾記古莊梅一路新晴載酒來果爾春風香滿地
南枝未落北枝開

且趁黃昏移杖來小橋流水路紆回三竿繫得西山日

引到新莊尚未頽

野梅籬落未全開且倚寒林吟數回應是東君惜清福

留將一半待重來

環屋皆梅一徑開三三五五出花來相逢只道春猶淺

滿袖香風帶得回

貪程舟趁夜潮回岸岸人家燈影開一枕未成篷窗夢

二州橋去大橋來

墨堤二首

春風何處認幽棲芳草飛花鳥自啼憶昨高窓陳傲具
珊瑚光徹碧玻璃

世張曰是蓋新令後之詩僅州大垣藩臣小原二兵衛者往年東後深川

0

紀事云鼓絃手結捕魚網載妓船乘聖釣叟永代橋東君試看寂寞非復

舊楊州小竹白自是詩史

鋤盡名園富貴花春風早已入桑麻何人來誦羅生句
看到子孫能幾家

櫻花

天放奇葩產大東補將二十四番風輕盈態帶晴烟動
晶潔光迎麗日融晚浦解鞍憐貴縉古關橫槩想英雄
無端記得芳山路萬朶香雲漲半空

春楓

扶桑異種是靈楓平壓羣芳錦一叢青帝奪來青女巧

克精曰前聯才思

流溢

晚春織出晚秋紅嫩芽濯濯微含露治葉輕輕不耐風
最愛嬌酣勝花處夕陽移影上簾櫳

棟棠花

子頤曰在中將田道灌乞蓑之詠飲馬之歌彼此湊合自然佳聯可謂此詠之好典故

不載葩經不入騷好將黃蓋上吟毫乞蓑金水春雲濕
飲馬玉川新漲高淺綠交加臨岸柳深紅映帶繞籬桃
東皇殊愛舞腰細賜與纏頭金線袍

南山禪師追悼詩應弟子慧觀囑

龍象仙游已五春憶曾寶窟結文因南山高挂松蘿月

疑是清容来接人

慧觀見似留別之作次韻以酬之

枉錫春風五柳堂且留惠遠勸離觴垂條拂地三千丈
不及先生別恨長

平泉古器歌謝宗兄子直寄贈

陶製古器大如杯瑞草糾結雙池開當年定是供香火
空心依微吹冷灰吾兄獲之琵琶柵千里遠舟郵筒來
想見昔人存手澤挹取古香摩數回維昔東陬置鎮府

世張曰起手似本昌黎寄崔立之詩

世張曰軒旋不費力
小竹曰亦全蕭雄
渾無喙可容
景實曰磐兄七古
諸作雄健渾厚洵
為不可及

北門鎖鑰扼奧羽藤氏三世實據之九十九年恣跋扈
一朝舉國舟豫州為恐辱孫忝乃祖果然豚犬禍蕭牆
顛覆終受鬼武侮獨有忠勇泉三郎奉持遺命不敢忘
唱義一戰授其首于今猶聞俠骨香琵琶柵荒秀蕤麥
往往耕人出折戟獨愛此器留全姿文房長助筆硯後
却憶昔年游中尊寺名漆函親見顛骨存遥弔英靈奠香
火一縷吹返萬古魂

紀事

拜山期迫肅長街綠樹新鵲夜月開三尺竹筵一條鐵
驚夫動地警人來

送毅齋井先生從公駕之備前

未應頃刻少先生顧問遙遙陪駕行累世儒冠無二事
一朝畫錦有餘榮薰風馬躍黃薇國曉霧帆開赤石城
想像金輿入藩日郊迎夾路湧歡聲

端午前一日湯島松琴樓送岡本君吉甫稱半還

淡海與星巖翁枕山梅磴諸子同賦

克精曰前聯香山
佳境

景實曰領聯巧緻
頭聯清嚴不知阪
都二先何故不批
乎

淡海高人返故關，危樓會客送征鞍。面無生熟皆如舊，
酒有醉醒同盡歡。雲挾鶻聲天欲雨，山吹嵐氣夏猶寒。
且將觴詠永今日，休說明朝行路難。

寄日向四屋某

某性好漫游嘗慕徐霞客為人自號小霞山人

一脫青鞋卧海城，夢飛五嶽舊崢嶸。想君今日閑窓底，
咄咄不堪髀肉生。

中元偶作

舌耕纔解養全家，無柰書生拙計何。一笑右文餘澤及

今年秋比去年多

和井香山夏夜納涼二首

一卷南華未終講，已看新月臨前港。倚欄悵喚納涼杯，
不柰蠻童太強項。

舊學荒蕪又不講，只乘涼月浮南港。可堪襍穢到人家，
休向侯門漫說項。

送香山應水野侯聘之濱松二首

何必踰垣仍閉門，賢侯憂國苦求仁。平生所學果何事，

克精曰二首押得
自在

景實曰三四亦自
家本色非強押韻
者更以為妙

不是趨炎附熱人

割鷄也合用牛刀小利速成徒自勞他日濱松城上月
絃歌聲與海濤高

送關克精歸省湖西

布衣辭國錦衣還想見椿萱喜上顏昔日釣游非某水
多年夢寐是何山征帆飛鷗遙天際粉壁青松落照閒
只恐煙霞留客住秋風幾日木刀環

十月初五祭酒林公翫蘭軒集與藕潢君及同社

克精曰讀之再有
望雲之念

諸子同賦得真

招同羣季及吾人聚首不知誰主賓百歲炎涼多世變

一家笑語自天真黃花已過重九今歲閏九月紅葉纔留

小小春只合清游永今日出門車馬滿城塵

臘月初三秋厚載見訪出似疊和關克精舊押詩

數首余乃倒用其韻賦三首兼呈關君 錄二

一痕眉月照初宵枯柳灣頭正落潮喜得楚音驚寂莫
任他談舌易多饒青燈白酒交逾熟翠閣紅樓夢已遙

昨日梅花報消息擬鞭蹇衛渡村橋

寒窓留客話深宵爐火漸紅茶鼎潮不向窮年嘆遲暮

且逢大雪卜豐饒薄游吟就江湖近克精有西省畧稿之著白戰

盟寒歲月遙倒和今宵新變局鼓將餘勇向藍橋

再酬克精見和疊韻

一棹尋君定幾宵溝閩水合不通潮為嫌城市俗塵鬧

偏羨江鄉幽事饒脫雪白銷寒岸遠夕陽紅斂暮山遙

春風記得相逢處藍水分流漲小橋

小竹曰疊韻多作僕亦嘗為之然似勞而無功請公亦止之
尋實曰此等之舉惟有學力者能為之固游戲餘事無功何害

迂愚動輒愠羣宵似駕孤舟凌怒潮官路青雲雖有志
世閒白髮不曾饒硯田耕罷稅常薄學海望來津尚遙
何日能成歸釣計夢飛磐水舊溪橋

源征夷塑像歌

豐公手撫源公像呼做吾友匪誣罔君起流竄我个奴
囊括四海同歸掌我云源公心跡多猜疑不似豐公磊
落姿驅使二弟供鷹犬攘除勁敵靡子遺然後逐李仍
殺叔六十六州坐領之豐公當初誅逆賊大義凜然動

又曰以豐公手撫双起承論二公優劣次以晉諸齊正共無得失而以真人一出結成鋪叙有倫議論公心所謂一唱三嘆者正言是等之詩也

士讓曰承前疊用無限作用此則視家得意手段
克精曰葛然而止不能更贅一語

日域餘烈所向皆風靡 天子特授關白職西征九國
東八州混同寰宇賴汝力却笑二公誤國是身後顛覆
太相似二世三世忽諸凶前霸後霸一其揆嗚乎前霸
後霸其揆一晉譎齊正誰得失君不見真人一出四海
清萬姓永享太平春

卧龍梅

映發紅葩與素英 盆栽相競入官庭老龍獨抱南陽節
偃卧春風喚不醒

臘裏立春

城裏吐吐歲市譁不知春色到詩家園梅却是天然曆
先放東風第一花

春

藕黃林君八宜樓集用祭酒公舊題之韻是日立
任他歲月若車驅半日從容得靜娛暖到梅梢春正立
寒留墻角雪猶敷螺旋坂曲隔城市蜃氣樓高開畫圖
倚檻沈吟坐來久紛華勢利念將無

八宜七日宜避紛華八日宜忘勢利

又曰五六佳聯

小竹曰二十八字
字之金玉失宅得
此詩孰輕孰重其
必有辨之者矣
世張曰公終非寄
人籬下者也

磐溪大槻兄癸
卯月念八罹
災其翌正月念
八浪華之火余
亦延燒傳聞相
驚寄以絕句
臆末春初二十八
與君先後火災同
傳聞千里相憐意
聊寓二十八字中
後崎獨

廿八日罹災寓某侯邸舍

卜居纔在七年前。一夜東風盡付烟。身與梅花共無恙。

寄人籬下迓新年。昨訪懽堂先生手折園梅一枝見贈是夜幸免

久不觀士廣之詩忽得此卷脫纖麗輕巧之時

樣變化縱橫優入唐宋大家之域矣勤勉之功

蓋不可掩也 辱知加賀大島桃年僭評

磐溪詩鈔卷三

跋

一日大槻士廣袖其近稿一卷。未示余曰。顛題一語。余取而閱之。文藻宏麗。華而能實。固非余所敢頡頏也。蓋士廣之幼。從游王父四明翁。時翁耄且疾。眼不能親教導也。以余有一日之長也。每就而質焉。余素拙陋。豈能有裨益於士廣乎。爾後殆三十年。士廣才學日進。名聲稍起。今閱其詩。翩如如此。所謂青出於藍。而青於藍者。

於士廣見之矣。歎賞之餘。遂書此還之。知化乙
巳孟春毅齋井天覺題

此書... 餘... 一... 一日... 越...

